



20. decembar 2013.

## **SEDMIČNI PREGLED AKTIVNOSTI NA MKSJ-U (745)**

Sljedeći Sedmični pregled aktivnosti biće objavljen 17. januara 2014.

### **I. PREGLED POSTUPAKA PRED SUDOM**

#### **Predmet KARADŽIĆ**

*Pretnosno vijeće III – sudije Kwon (predsjedavajući), Morrison, Baird i Lattanzi (rezervni sudija)*

#### **Nastavak izvođenja dokaza odbrane**

Dana 16. decembra 2013., svjedočio je sljedeći svjedok:

- *Sveto Veselinović (svjedočio o događajima u Rogatici u relevantnom periodu)*
- *Sveto Kovačević (zvaničnik opštine Čelinac u relevantnom periodu)*

Dana 16. i 17. decembra 2013., svjedočio je sljedeći svjedok:

- *Milomir Stakić (zvaničnik opštine Prijedor u relevantnom periodu)*

Dana 17. decembra 2013., svjedočio je sljedeći svjedok:

- *Ljubiša Beara (oficir Vojske Republike Srpske - Glavnog štaba u relevantnom periodu)*

Dana 18. decembra 2013., svjedočio je sljedeći svjedok:

- *Radomir Radinković (oficir Vojske Republike Srpske – 1. krajiškog korpusa u relevantnom periodu)*

Dana 18. i 19. decembra 2013., svjedočio je sljedeći svjedok:

- *Simo Mišković (predsjednik SDS-a u Prijedoru u relevantnom periodu)*

*Nastavak suđenja je odgođen do 16. januara 2014.*

#### **Predmet HADŽIĆ**

*Pretnosno vijeće II – sudije Delvoie (predsjedavajući), Hall i Mindua*

#### **Podnesci na osnovu pravila 98bis**

Dana 16. decembra 2013., odbrana je iznijela svoj zahtjev za donošenje oslobađajuće presude protiv Gorana Hadžića, tvrdeći da tužilaštvo nije dokazalo nijednu od tačaka optužnice protiv njega. Tužilaštvo je podnijelo svoj odgovor 18. decembra 2013. Odluka na osnovu pravila 98bis biće izrečena u dogledno vrijeme.

**Predmet ŠAINOVIĆ i drugi**

*Sudija Liu*

**Statusna konferencija**

Dana 18. decembra 2013., strane su se pojavile pred sudijom Liuom na statusnoj konferenciji. Izricanje presude po žalbi u ovom predmetu zakazano je za 23. januar 2014.

**II. PREGLED ODABRANIH SUDSKIH SPISA**

**Predmet MRKŠIĆ**

*Sudija Meron – predsjednik MKSJ*

**ODLUKA PREDSEDNIKA O PRIJEVREMENOM PUŠTANJU NA SLOBODU MILETA MRKŠIĆA**

Dana 13. decembra 2013., javnom redigovanom verzijom ove odluke, predsjednik Meron je odbacio Mrkšićev zahtjev za prijevremeno puštanje na slobodu iz zatvora u Portugalu zaključivši da je odslužio tek jednu polovicu kazne od 20 godina zatvora, ali i zbog veoma teških zločina za koje je osuđen.

**Predmet ŠEŠELJ**

*Pretnosno vijeće III – sudije Antonetti (predsjedavajući), Niang i Lattanzi*

**ODLUKA U VEZI S NASTAVKOM POSTUPKA**

Dana 13. decembra 2013., Vijeće je naložilo da se postupak u predmetu *Šešelj* nastavi od faze poslije iznošenja završnih riječi i pređe u fazu vijećanja čim se sudija Niang upozna s predmetnim spisom – *vidi Saopštenje za javnost br. 1592 od 16. decembra 2013.*

**Predmet Rasim DELIĆ**

*Žalbeno vijeće – sudije Agius (predsjedavajući), Robinson, Güney, Pocar i Daqun*

**ODLUKA PO ZAHTJEVU ODBRANE ZA PREISPITIVANJE**

Dana 17. decembra 2013., Žalbeno vijeće, pod predsjedavanjem sudije Agiusa, odbacilo je zahtjev za preispitivanje presude Pretresnog vijeća protiv Rasima Delića u svjetlu pisma sudije Harhoffa, koji je postupao u tom predmetu. Žalbeno vijeće je odbacilo ovaj zahtjev jer ni Delićev sin ni Delićev branilac nisu imali osnova za podnošenje takvih zahtjeva pred MKSJ-om “*u okolnostima kad je žalilac preminuo i žalbeni postupak pred Međunarodnim sudom okončan.*”

**Predmet Darko MRĐA**

*Sudija Meron – predsjednik MKSJ*

**ODLUKA PREDSEDNIKA O PRIJEVREMENOM PUŠTANJU NA SLOBODU DARKA MRĐE**

Dana 18. decembra 2013., podnesena je javna redigovana verzija predsjednikove odluke kojom je odobreno prijevremeno puštanje na slobodu Darka Mrđe, koje stupa na snagu 10. oktobra 2013.

**Predmet STANIŠIĆ i ŽUPLJANIN**

*Žalbeno vijeće – sudije Agius (predsjedavajući), Sekule, Robinson, Daqun i Ramaroson*

**ODLUKA PO ZAHTJEVU STOJANA ŽUPLJANINA ZA PRIVREMENO PUŠTANJE NA SLOBODU**

**ODLUKA PO ZAHTJEVU U IME MIĆE STANIŠIĆA ZA PRIVREMENO PUŠTANJE NA SLOBODU**

Dana 19. decembra 2013., Žalbeno vijeće je odbacilo zahtjeve za privremeno puštanje na slobodu, koje su podnijeli obojica žalilaca, zaključivši da “ne postoje posebne okolnosti koje bi opravdale takvo puštanje.”

**RASPORED U SUDNICAMA: Zimska pauza**

**NAJNOVIJA SAOPŠTENJA ZA JAVNOST**

Datum	Broj	Naslov	E	F	B/C/S
16.12.2013.	1592	SUĐENJE ŠEŠELJU ĆE SE NASTAVITI NAKON ŠTO SE SUDIJA NIANG UPOZNA SA PREDMETNIM SPISOM <a href="http://www.icty.org/sid/11430">http://www.icty.org/sid/11430</a>	E	F	B/C/S
16.12.2013.	1593	NOVA BAZA PODATAKAK SUDSKE PRAKSE MKSJ I MKSR <a href="http://www.icty.org/sid/11431">http://www.icty.org/sid/11431</a>	E	F	B/C/S